

POPUI DE MENDRANZA

Programes su la mendranzes

La Fondazione Museo storich del Trentin col Servije Mendranzes PAT à enjgnà prodoc audiovisives su la trei comunanzes linguistiches storiches

Na programazion spezièla dedichèda a la mendranzes linguistiches storiches tel Trentin: zimbra, ladina e mochena jirà fora enscin ai 28 de jené su History Lab. La Fondazione Museo storich del Trentin, aldò de na cordanza específica col Servije Mendranzes e audit europeèn de la Provinzia de Trent, l'ha apontin enjgnà prodoc audiovisives dedichè a chesta trei popolazions e a sia storia. Se trata de trei puntates del program «I LAB, realisà per la Fondazione Museo storich del Trentin da Busacca Produzioni Video, che met dant n retrat di Istitut culturèi zimber, ladina e mochen e de 15 puntates, cinch per ogne comunanza, de «Un'immagine una storia» che tras na imagina storica dèsc l met de fèr n curt viac tel temp: na vida per cognoscer arpejons, usanzas e tradizions de la comunanzes che encomai da centenees en ca tel Trentin rejon a lengaz desferent dal talian.

Co na pèrt resservèda a ogneuna de la trei comunanzes linguistiches «I LAB» fèsc cognoscer la popolazions de referiment tras intervistes e imagines di Istitut Cultural, conscidré la cèsa de chesta comunanzes.

«Un'immagine, una storia», realisà per la Fondazione Museo storich da Motion Studio, conta enveze te ogneuna de la chinec puntates n fat o na carateristica de chesta realtèdes, che vegn portà dant tras na imagina storica. Con n confront anter l passà e l prejent se pel entener coche lesc, usanzas e ativitèdes da duc i dis è mudèdes ti egn.

Chisc i titoi e i contegnui de la puntates:

En vender ai 21 de jené, da les nef da sera e da mesa les undesc da sera

I LAB: Kulturinstitut Lusern
Vegn portà dant l Kulturinstitut Lusern e la storia de sia jent che amò ancheondi rejon a lengaz che vegn ca dal todesch. L Istitut à l doer de valorisèr chesta storia linguistica e de stravader e portèr inant l patrimoniè etnografich e culturèl de la comunanza de Lusern. Co la intervistes al diretor Willy Nicolussi Paolaz, al colaborador culturèl Fiorenzo Nicolussi Castellan, al responsabol de la comunicazion Stefano Nicolussi Castellan Galeno e al assistent culturèl Valentina Nicolussi Castellan.

En sabeda ai 22 de jené, da les nef da sera e da mesa les undesc da sera

I LAB: Istitut Cultural Ladin
Te chesta puntata vegn portà dant l Istitut Cultural Ladin «Majon di Fascegn» co la intervistes a la diretora Sabrina Rasom, a la responsabola de la biblioteca Alberta Rossi, a la conservadora Daniela Brovadan e la responsabola di servijes educatives Martina Chiochetti.

En lunesc ai 24 de jené dal mesdi e da les set da sera

Un'immagine, una storia: Spezièl Mendranzes



I fèsc con fejn sun Col de Cuch, 1919. N retrat storich dal archif del Istitut Cultural Ladin. «L fejn più aut de la Dolomites» l è una de la puntates su la mendranza ladina.

- **Puntata 1:** L fejn più aut de la Dolomites
- **Puntata 2:** Na isola zimbra sul altopian
- **Puntata 3:** La scola todesca de Palù del Fersina

En mèrtesc ai 25 de jené dal mesdi e da les set da sera

Un'immagine, una storia: Spezièl Mendranzes

- **Puntata 4:** I mochegn: comerzian e viajadores krumer
- **Puntata 5:** L gran maldefech de Luserna
- **Puntata 6:** L Carnascèr ladina

En mercol ai 26 de jené dal mesdi e da les set da sera

Un'immagine, una storia: Spezièl Mendranzes

- **Puntata 7:** Forte Luserna e la Gran Vera
- **Puntata 8:** La opzions te la val di Mochegn
- **Puntata 9:** La costruzion del refuge Contrin

En jebia ai 27 de jené dal mesdi e da les set da sera

Un'immagine, una storia: Spezièl Mendranzes

- **Puntata 10:** Panorama sun Moena
- **Puntata 11:** I mèjes de la val di Mochegn
- **Puntata 12:** La scoles de Luserna

En vender ai 28 de jené dal mesdi e da les set da sera

Un'immagine, una storia: Spezièl Mendranzes

- **Puntata 13:** L 'merlet a fuselli', na tradizion secolara
- **Puntata 14:** Musil e la Gran Vera te la val di Mochegn
- **Puntata 15:** La tradizion di conscritte Fascia

La puntates vegnarà manèdes fora su History Lab, canal 602 e sul canal yutube de la Fondazione Museo storico del Trentin: youtube.com/museostorico e les sarà da veder ence en streaming su hl.museostorico.it.